

見阿閼佛品第十二

(一) 觀於如來

爾時，世尊問維摩詰：「汝欲見如來，為以何等觀如來乎？」

維摩詰言：「如自觀身實相，觀佛亦然。我觀如來：

- ① 前際不來，後際不去，今則不住。
- ② 不觀色，不觀色如，不觀色性。
- ③ 不觀受、想、行、識，不觀識如，不觀識性。
- ④ 非四大起，同於虛空；六入無積，眼、耳、鼻、舌、身、心已過。
- ⑤ 不在三界，三垢已離，順三脫門——具足三明，與無明等。
- ⑥ 不一相，不異相，不自相，不他相——非無相，非取相。
- ⑦ 不此岸，不彼岸，不中流，而化眾生——觀於寂滅，亦不永滅。
- ⑧ 不此、不彼；不以此，不以彼——不可以智知，不可以識識。
- ⑨ 無晦、無明，無名、無相，無強、無弱，非淨、非穢，不在方，不離方；非有為，非無為——無示、無說。
- ⑩ 不施、不慳，不戒、不犯，不忍、不恚，不進、不怠，不定、不亂，不智、不愚，不誠、不欺，不來、不去，不出、不入——一切言語道斷。
- ⑪ 非福田，非不福田；非應供養，非不應供養——非取、非捨。
- ⑫ 非有相、非無相；同真際、等法性——不可稱、不可量，過諸稱量。
- ⑬ 非大、非小，非見、非聞，非覺、非知，離眾結縛，等諸智，同眾生——於諸法無分別。
- ⑭ 一切無失：無濁、無惱，無作、無起，無生、無滅，無畏、無憂，無喜、無厭；無已有、無當有、無今有——不可以一切言說分別顯示。

世尊！如來身為若此，作如是觀。

- ① 以斯觀者，名為正觀；
- ② 若他觀者，名為邪觀。」

(二) 維摩何生

爾時，舍利弗問維摩詰：「汝於何沒？而來生此！」		
<p>維摩詰言：「汝所得法有沒生乎？」</p> <p>舍利弗言：「無沒生也。」</p> <p>「若諸法無沒生相，云何問言：『汝於何沒？而來生此！』於意云何：譬如幻師，幻作男女，寧沒生耶？」</p> <p>舍利弗言：「無沒生也。」</p> <p>「汝豈不聞佛說諸法如幻相乎？」</p> <p>答曰：「如是！」</p> <p>「若一切法如幻相者！云何問言：『汝於何沒？而來生此！』」</p>	<p>舍利弗！</p> <p>① 沒者為虛誑法，壞敗之相；</p> <p>② 生者為虛誑法，相續之相。</p>	<p>① 菩薩雖沒，不盡善本；</p> <p>② 雖生，不長諸惡。」</p>
<p>是時，佛告舍利弗：「有國名妙喜，佛號無動，是維摩詰於彼國沒，而來生此。」</p> <p>舍利弗言：「未曾有也！世尊！是人乃能捨清淨土，而來樂此多怒害處。」</p> <p>維摩詰語舍利弗：「於意云何？日光出時，與冥合乎？」</p> <p>答言：「不也！日光出時，則無眾冥。」</p> <p>維摩詰言：「夫日何故行閻浮提？」</p> <p>答曰：「欲以明照，為之除冥。」</p> <p>維摩詰言：「菩薩如是，雖生不淨佛土，為化眾生，不與愚闇而共合也，但滅眾生煩惱闇耳！」</p>		
<p>是時，大眾渴仰，欲見妙喜世界無動如來，及其菩薩、聲聞之眾。佛知一切眾會所念，告維摩詰言：「善男子！為此眾會，現妙喜國無動如來，及諸菩薩、聲聞之眾，眾皆欲見。」</p> <p>於是，維摩結心念：「吾當不起於座，接妙喜國，鐵圍山川、溪谷、江河，大海、泉源，須彌諸山，及日月星宿、天、龍、鬼神、梵天等宮，並諸菩薩、聲聞之眾，城邑、聚落，男女、大小，乃至無動如來，及菩提樹、諸妙蓮華，能於十方作佛事者。三道寶階從閻浮提至忉利天，以此寶階諸天來下，悉為禮敬無動如來，聽受經法；閻浮提人，亦登其階，上升忉利，見彼諸天。妙喜世界成就如是無量功德，上至阿迦尼吒天，下至水際；以右手斷取，如陶家輪，入此世界，猶持華鬘，示一切眾。」作是念已，入於三昧，現神通力，以其右手斷取妙喜世界，置於此土。</p> <p>彼得神通菩薩及聲聞眾，並餘天人，俱發聲言：「唯然！世尊！誰取我去？願見救護。」</p>	<p>時妙喜世界於此國土所應饒益，其事訖已，還復本處，舉眾皆見。</p>	

<p>無動佛言：「非我所為，是維摩詰神力所作。」</p> <p>其餘未得神通者，不覺不知己之所往。妙喜世界，雖入此土，而不增減；於是世界，亦不迫隘，如本無異。</p> <p>爾時，釋迦牟尼佛告諸大眾：「汝等且觀妙喜世界無動如來，其國嚴飾，菩薩行淨，弟子清白。」</p> <p>皆曰：「唯然！已見。」</p> <p>佛言：「若菩薩欲得如是清淨佛土，當學無動如來所行之道。」</p> <p>現此妙喜國時，娑婆世界十四那由他人，發阿耨多羅三藐三菩提心，皆願生於妙喜佛土。</p> <p>釋迦牟尼佛即記之曰：「當生彼國。」</p>		
<p>佛告舍利弗：「汝見此妙喜世界及無動佛不？」</p>		
<p>「唯然！已見。」</p>	<p>世尊！願使一切眾生——</p>	<p>① 得清淨土，如無動佛；</p> <p>② 獲神通力，如維摩詰。</p>
	<p>世尊！我等快得善利，得見是人親近供養。其諸眾生——</p>	<p>① 若今現在，若佛滅後，聞此經者，亦得善利；況復聞已信解、受持、讀誦、解說、如法修行。</p> <p>② 若有手得是經典者，便為已得法寶之藏；</p> <p>③ 若有讀誦、解釋其義，如說修行，則為諸佛之所護念；</p> <p>④ 其有供養如是人者，當知則為供養於佛；</p> <p>⑤ 其有書持此經卷者，當知其室有如來；</p> <p>⑥ 若聞是經能隨喜者，斯人則為趣一切智；</p> <p>⑦ 若能信解此經，乃至一四句偈，為他說者，當知此人，即是受阿耨多羅三藐三菩提記。」</p>